

KJKP "VODOVOD I KANALIZACIJA" d.o.o. SARAJEVO
DIREKTOR

Izvod broj : 72/17- lot 3

Sarajevo, 31.10. 2017. godine

Na osnovu člana 64. stav 1. tačka b., člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo, te člana 41. Statuta preduzeća, na preporuku Komisije za javnu nabavku broj 72/17 lot 3 od 17.10.2017. godine, u postupku javne nabavke br. 72/17-lot 3 „Razbijačica (lomilica) betona, asfalta, kamena na gorivo“, donosi se :

O D L U K A

o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj 72/17 lot 3 od 17.10.2017. godine i ugovor za javnu nabavku roba: „**Razbijačica (lomilica) betona, asfalta, kamena na gorivo**“, – tender broj 72/17 lot 3 dodjeljuje se ponuđaču : „**OHS**“ d.o.o. Kakanj, ponuda broj 170912-1 od 12.09.2017. godine, za ponudenu cijenu od **24.800,00 KM** bez PDV-a, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču „**OHS**“ d.o.o. Kakanj, po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : 72/17 od 11.08.2017. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 28.000,00 KM.

Obavještenje broj 247-1-1-139-3-185/17 poslato je na objavljivanje na Portal javnih nabavki dana 17.08.2017. godine, a sažetak obavještenja o nabavci je objavljen u Službenom glasniku BiH broj 61. od 25.08.2017.godine.

Komisija za javne nabavke imenovana je Rješenjem br. 293/16 od 03.11.2016 godine i dodatni članovi komisije imenovani dopunskim Rješenjem br. 72/17-lot 3 od 11.08.2017.godine.

Komisija konstatuje da je na osnovu Obavještenja o nabavci br. 247-1-1-139-3-185/17 od 17.08.2017.godine, proveden postupak javne nabavke putem otvorenog postupka, te je izvršeno javno otvaranje ponuda dana: 12.09.2017.godine u 13:30 sati, a što je konstatovano zapisnikom sa otvaranja ponuda br. 72/17 lot 3.

Za predmetnu javnu nabavku dostavljene su ponude :

1. Ponuđač; „Teracop“ d.o.o. Kiseljak,
2. Ponuđač; „O-mega III“ d.o.o. Sarajevo i
3. Ponuđač; „OHS“ d.o.o. Kakanj.

Navedeni ponuđači su preuzeli tendersku dokumentaciju sa portala javnih nabavki i samim tim ostvarili pravo učešća u postupku.

Dostavljanje zapisnika sa otvaranja ponuda izvršeno je prema ponuđačima u zakonskom roku.

Nakon izvršenog otvaranja ponuda Komisija je dana: 12.09.2017.godine, pristupila pregledu i ocjeni pristiglih ponuda u formalnom smislu: oblika ponude (numeracija, uvezivanje i dr.), cjelovitosti odnosno potpunosti ponude.

Komisija je utvrdila da dostavljena ponuda ponuđača „Teracop“ d.o.o. Kiseljak ne ispunjava zahtijevane tenderske uslove prema obliku u smislu pripreme ponude. Konstatovano je da dostavljena ponuda nije čvrsto uvezana na način da se onemogući naknadno vađenje ili umetanje listova a što je zahtijevano u tački 17.1 tenderske dokumentacije "Priprema ponude".

Ponuda ponuđača „Teracop“ d.o.o. Kiseljak je dostavljena u plastičnoj fascikli, čiji su listovi uvezani metalnim mehanizmom kojeg je moguće jednostavno ukloniti i vratiti bez vidljivih tragova i time je omogućeno naknadno vađenje i umetanje listova ponude.

Na osnovu navedenog, konstatovano je da dostavljena ponuda ponuđača „Teracop“ d.o.o. Kiseljak nije čvrsto uvezana, a što je zahtijevano u okviru tačke 17.1 tenderske dokumentacije "Priprema ponude" : **„Ponuda se čvrsto uvezuje na način da se onemogući naknadno vađenje ili umetanje listova osim garantnih dokumentata (pod čvrstim uvezom se podrazumijeva ponuda ukoričena u knjigu ili ponuda osigurana jamstvenikom). Ako je ponuda izrađena u dva ili više dijelova, svaki dio se čvrsto uvezuje na način da se onemogući naknadno vađenje ili umetanje listova. Dijelove ponude kao što su uzorci, katalozi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.“**

Iz navedenog razloga konstatovano je da ponuda ponuđača „Teracop“ d.o.o. Kiseljak ne ispunjava zahtijevane tenderske uslove prema obliku ponude (uvezivanje u čvrsti uvez), te se kao takva odbacuje i nije predmet daljeg razmatranja.

Komisija je konstatovala da dostavljene ponude ponuđača „O-mega-III“ d.o.o. Sarajevo i „OHS“ d.o.o. Kakanj, ispunjavaju zahtijevane TD uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

RB	Zahtjevana kvalifikaciona dokumentacija	„O-mega-III“ doo Sarajevo	„OHS“ doo Kakanj
1.	Tačka: 13 TD : Izjava o ispunjenosti uslova iz člana 45. Stav(1) tačkaka do a) do d) Zakona o javnim nabavkama – Aneks IV; Prilog 3.	DA	DA
2.	Tačka: 14.1 TD : Izjava o ispunjenosti uslova iz člana 47. Stav(1) tačkaka do a) i (4) Zakona o javnim nabavkama – Aneks V; Prilog 4.	DA	DA
2.1	Tačka: 14.1 TD : Kopija potvrde banke o aktivnosti transakcijskog računa koja nije starija od tri mjeseca računajući od trenutka dostavljanja ponude.	DA	DA
3.	Tačka: 14.3 TD : Original ili ovjerena fotokopija Aktuelnog izvoda iz sudskog registra ovjerena od strane nadležnog organa – organa uprave ili notara (ili Rješenje o registraciji) ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od momenta predaje ponude (član 46.ZJN)	DA	DA

Komisija konstatuje da ponuđači „O-mega-III“ d.o.o. Sarajevo i „OHS“ d.o.o. Kakanj ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

RB	Ostala zahtjevana dokumentacija aneksi/prilozi	„O-mega-III“ doo Sarajevo	„OHS“ doo Kakanj
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA	DA
2.	Tačka: 16 TD: Obrazac za ponudu – Aneks II; Prilog 1.	DA	DA
3.	Tačka : 20 TD: Obrazac za cijenu ponude – Aneks III; Prilog 2.	DA	DA
4.	Tačka:16 TD: Ostalo traženo u tenderskoj dokumentaciji : Katalog proizvoda iz kojeg su jasno vidljive tehničke karakteristike ponudjenog proizvoda.	DA, ali tehničke karakteristike ponudjenih proizvoda ne odgovaraju zahtijevanim	DA
5.	Tačka: 30 i 35 TD: Nacrt okvirnog sporazuma - Prilog 7.	DA	DA
6.	Tačka: 30 i 36 TD: Nacrt ugovora o javnoj nabavci - Prilog 8.	DA	DA
7.	Tačka: 42 TD: Povjerljive informacije – Prilog 6.	DA	DA

Pregledom ponude ponuđača „O-mega-III“ d.o.o. Sarajevo sa stanovišta postavljenih tehničkih karakteristika opisanih u tački 7. tenderske dokumentacije „Opis predmeta nabavke“, a na osnovu tehničkih karakteristika ponuđenih proizvoda iz dostavljenih kataloga, od strane stručnih lica za predmetnu nabavku je utvrđeno da isti nije ponudio proizvode zahtijevanih karakteristika, a što se ogleda u sljedećem :

Tražene tehničke karakteristike		Ponuđene tehničke karakteristike	
Težina Razbijačice:	25 kg	Težina Razbijačice :	26 kg
Prihvat alata:	32x160 mm	Prihvat alata:	28x160mm
Frekvencija :	Mín 1440 udara/min	Frekvencija:	1350 udara/min

Obzirom na navedeno, Komisija je konstatovala da ponuđač „O-mega-III“ d.o.o. Sarajevo ne ispunjava zahtjeve ugovornog organa tražene u okviru tačke 7. tenderske dokumentacije „Opis predmeta nabavke“, zbog čega se ponuda ovog ponuđača smatra neprihvatljivom i ista se odbacuje, te nije predmet daljeg razmatranja.

Komisija konstatuje da je ponuđač „OHS“ d.o.o. Kakanj dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da je isti ispunio zahtjeve date u tački 7. tenderske dokumentacije „Opis predmeta nabavke“ kao i sve zahtjeve iz tehničke specifikacije.

Konstatovano je i da ponuda ponuđača „OHS“ d.o.o. Kakanj ima popis dokumenata uz ponudu tj. sadržaj, potpisan od strane ovlaštenih lica ponuđača i ovjeren pečatom ponuđača, te ima broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Računskom kontrolom specifikacije ponude ponuđača „OHS“ d.o.o. Kakanj konstatovano je da u ponudi ponuđača „OHS“ d.o.o. Kakanj nema grešaka računске prirode.

Konstatovano je da ponuđač „OHS“ d.o.o. Kakanj nije dostavio Potvrdu o primjeni preferencijalnog tretmana.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Primjenjujući zadate kriterije, izvršena je analiza prihvatljivih ponuda prema kriteriju za izbor ponude :

RB.	Ponuđač	Cijena iz ponude bez PDV-a u KM	Popust i sl.	Cijena sa popustom u KM	Preferencijalni tretman dopušten	umanjena za preferencijalni tretman	Ukupno bodova	Redoslijed ponuda po broju bodova
1	„OHS“ doo Kakanj	24.800,00	-	24.800,00	-	-	100	1.

Nakon izvršenog vrednovanja ponuda prema utvrđenom kriteriju, izvršeno je rangiranje prihvatljivih ponuda prema kriteriju za izbor ponude. Redoslijed ponuda je sljedeći:

Rb.	Ponudač	Redoslijed ponuda
1.	„OHS“ d.o.o. Kakanj	1.

Za najpovoljniju ponudu ocjenjena je ponuda ponuđača „OHS“ d.o.o. Kakanj.

Komisija je jednoglasno dala prijedlog Ugovornom organu da za nabavku roba : „Razbijačica (lomilica) betona, asfalta, kamena na gorivo“ - tender broj 72/17 lot 3 donese Odluku o dodjeli ugovora ponuđaču: „OHS“ d.o.o. Kakanj broj ponude : 170912-1 od 12.09.2017.godine čija vrijednost ponude iznosi: 24.800,00 KM bez PDV-a.

Iz gore navedenih razloga, primjenom člana 64. stav 1. tačka b. ZJN, donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku :

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :
- Ponuđaču
- a/a



v.d. Direktor

Azra Muzur
Azra Muzur, dipl.inž.građ.